

四庫全書

集部

欽定四庫全書

文苑英華卷四百五十七

宋 李昉等 編

制書十

節鎮六

授朱崇節河陽節度使制 陸 扆

門下朕聞天垂星緯王者象之以設官地裂山河歷代
定之以建國所以咽喉中夏藩屏皇家非威望不足以
鎮寧非仁惠不足以撫養其有勲勞夙著宜申胙土之

恩韜略素精屢委殿邦之任二者兼備斯為得人國有
彛童我復何愛前昭義軍節度使潞慈刑洺等州觀察
處置等使特進檢校司空兼潞州大都督府長史御史
大夫上柱國沛縣開國子食邑五百戶朱崇節雄略縱
橫忠誠貫直夙著一作抱摠戎之術常韜靖亂之謀臨危
不屈於壯心多難益全其大節去病辭第誓彰鍾鼎之
勲王翦請田非為子孫之計日者平陽求瘼馮翊頌條
隰川竟保於孤城汝海將繩一作綏其弊俗其後孟津分

閩上黨臨戎智謀潛契於著龜義烈彌堅於金石擁衆
而出陳兵以行指揮而神氣激揚叱咤而寇讎惕息今
則鄉閭顧慕士卒謳歌庶金成佇於竇嬰竹馬思迎於
郭伋是用再兼五教重委雙旌既資董衆之能仍舉疇
庸之典於戲功名易守自伐者必顛富貴可圖懷驕者
難保失道則禍生旋踵守義則福貽後昆勉爾令圖服
我明訓可依前檢校司徒克河陽節度使散官如故

授周岳嶺南西道節度使制

門下夫山結川融皆予之寓縣蠶衣租食悉我之黎元
慘舒雖繫於陰陽覆燾豈殊於遠邇自頃中原搔擾遐
裔阻難或王澤不流或國章靡及念茲黔首系一作昌疑我
皇風聿求養理之仁兼藉鎮寧之略訪于執事果得能
臣武安軍節度湖南觀察處置使特進檢校右僕射食
邑三百戶周岳黃石傳符豐城得劍侗儻挺義夫之節
縱橫抱名將之才擢甲執兵聞外以雄豪見許絕其分
少江東以信義相推嚴武備而不喜戰爭頒吏術而每

先恩惠遂致塵清四鄙農勸三時鄉閭阜安卒乘雄富
是用疇其懿績伏以英謀輟乳哺於賦鳩之鄉壯藩垣
於獲象之郡爾其克膺重寄更茂嘉猷必令嶺嶠蠻陬
欽我之風化無使黃金翠羽累爾之清庶然後馬援威
聲孟嘗介潔苟能礪操諒可齊名仍推疑百越之封俾
進三槐之秩恩不虛受爾其欽哉可檢校司空克嶺南
道節度使餘並如故

授陳珮廣州節度使制

門下漲海奧區番禺巨屏雄藩夷之寶貨冠吳越之繁
華苟非令人難著清節列聖瞻念必求賢良故宋璟播
美於前李勉垂芳於後朕初君臨寓縣方以武定藩維
獨命卿往鎮茲土而崇龜果以清淨為理謳謔日聞固
追詠於夷齊宣慙名於宋李代其任者不亦難乎爰求
勲舊之間別得英奇之士左軍都指揮使前靜江軍節
度使開府儀同三司檢校司徒平章事潁川食邑三千
戶實封一百戶陳珮雄姿岳聳俊氣鷹揚家傳忠孝之

風代襲韜鈴之術愛士卒而更逾吳起敬君子而不讓
張飛位以功高名由義振先皇帝荐臻難運再新侯封
挺身於版蕩之中竭力於阡危之際或警巡於西蜀或
侍從於南梁殄岐陽兵火之災爾功居最戡京國宗祧
之難爾効復多皎潔忠誠貫黃河而不濁堅貞壯節冒
烈火而寧焚雖衛鼎銘勲韓壇受律未臨列土豈答豐
功是命殿彼大邦授其峻秩仍示優崇之旨再兼台衮
之榮於戲吳隱之昔號清庶英聲未泯馬伏波嘗推功

業厥跡猶存苟能視糠粃於翠羽明珠張紀律於遐陬
異俗吳馬之政今古寧殊無使璟勉崇龜獨誇於前哲
也勉服丕訓無替令猷可檢校太保同平章事克嶺南
道節度使餘並如故

授李籌盧龍節度使制

門下召爽撫邦燕昭故國其地廣而要其俗勁而雄儻
非英偉之才孰控臨戎之任詢于執政爰有良臣具官
李籌制鍾利器構厦宏材負頗收之威名蘊闕張之節

梁夙明軍志妙

一作預

揣敵情訓戎兼務於詩書養士必

加於觴豆日者咸推友悌實卒元戎屢叅必勝之謀常

贊在和之義泊專庶務益洽羣情絜貅仰愛日之恩疆

場賴仁風

一作長城

之固是用寵其龍節榮被鵠原俾登韓

信之壇仍進王祥之秩爾其稟我王度振乃家聲推信

義以睦鄰封謹法令以威蕃落武有備而不用士使樂

而不驕四者聿脩七德斯在服我明訓厥惟欽哉可檢

校太保幽州大都督府長史盧龍軍節度使餘並如故

授周岳湖南節度使制

門下荆渚懷仁陶侃昔嘗再理潁川思入黃霸於是重
臨苟徇人情何傷國體而况干戈久試宵旰為憂將蘇
塗炭之災俾復旌旄之任詢于執政僉曰嘉謀具官周
岳早洞武經兼通政術嘗鎮湘中之地克揚閭外之威
執紀律以不踰播謳謠而甚遠拊封彌謹述職惟勤垂
竹帛之功名委旌幢之貴寵

一作尋垂竹帛之
功方委旌幢之貴

而遽因

疑間遂致遷移適五嶺之遐荒奪重湘之奧壤乃使軍

戎憤悱黎庶怨咨煙塵不絕於累年瘡痍偏傷於一境
旋聞軍吏之衆耆老之徒咸詣護戎借留賢帥遭權臣
之擁遏致明命之稽延今我朝政惟新庶事思理雪爾
肺腸之憤申予雨露之恩俾殿舊邦用諧衆志爾其速
蘇凋瘵無念仇讎戢矛戟之連營勸農桑於列郡布予
惠澤服我徽章茂繼前勲永膺重寄可依前檢校司徒
武安軍節度使餘並如故

授張鐠彰義軍節度使制

門下隴陰重地涇上雄藩勵控弦帶甲之徒資護塞和戎之略爰自動知邊事夙練兵機加以制彼西陲屏于中夏博採輿人之論果聞良帥之才爰降命書式諧衆欲具官張鍇雷霆勁氣鷗鷺竒姿秉孝愛以承家挺忠直而事主玉鈐金匱弟兄咸繼於孫吳雪嶺蕭關蕃虜遠懷於頗牧矧示令委殿于是邦著勲烈於兩朝耀威名於一紀訓兵積粟述職安邊隍元固於金湯士卒必均於觴豆功垂竹帛政洽謳謠並馳一作張賢將之名

仰自元昆之訓豈為

疑作謂

降年不永閱水興悲將既

疑作

繼

前脩是資同氣設齋壇而錫命馳瑞節以頒恩式光

十乘之雄不改三槐之秩爾其奉予紀律固乃封疆推誠信以睦隣竭忠勞而報國自可委安祿位益茂功名於戲爾鑄服我明訓可檢校司徒彰義軍節度使餘如故

授趙凝檢校太尉開府制

門下王者裂土疆以任材臣下推腹心以報主能任其

材則國理能報其主則功高其有鎮拊巨藩訓齊義旅
克展忠貞之效每遵紀律之條斷自予懷將頒殊渥具
官趙凝倜儻雄材縱橫與略奮垂天之羽翰聳發地之
巖巒頃纂舊封克承先訓嚴武備而不矜戰伐緩軍令
而不虐惇嫠鄉閭阜殷卒乘輯睦顧峴首漢陽之地實
四會五達之莊扼咸鎬之咽喉遵荆吳之貢賦途路無
梗梯航若流不有咸聲孰能通好一作朕以姦宄構患
都邑縱兵爰避艱虞出居巖險而能徑馳專使來達臣

誠乃陳底貢之儀備驗輸忠之節况爾先父寔余蓋臣
前勲尚煥於鼎鍾令嗣克傳於弓冶永言念舊尤在賞
新一作延俾升掌武之班益重拊封之寄仍遷峻級式示
隆恩爾其保祿位以榮家竭忠勞而許國勉欽明訓無
忝厥官可開封府儀同三司檢校太尉平章事克忠義
軍節度使餘並如故

授石善友鎮武節度使滕從免邕州節度使制

前人

門下朔野雄藩地臨於強虜海濱巨屏境接於諸蠻苟
非威略不足以鎮寧非惠和不足以綏撫其有久專留
務具著能名雅稱分閫之才宜賜登壇之命具官石善
友夙知邊事素練戎韜驩騶風無遠不適具官滕從
免早習兵機常推忠欵豪曹出匣其銳難當而能並建
功名克遵紀律一作克律紀法洎膺試用咸務恪恭封疆遠憚
其威聲溪洞每懷其信義固可以靜茲絕塞阜彼遐陬
使風煙罷警於北陸琛賫遠臻於中土方資重委宜洽

優恩俾真旄鉞之權用壯藩宣之寄或榮遷端揆或寵
陟秋官勉竭厥誠貳則有辟善友可檢校右僕射克鎮
武節度使兼安北都護從免可檢校刑部尚書嶺南道
節度使餘如故

授武臣邠寧節度使制

鄭 畋

門下推轂揔戎朝廷之重寄登壇受鉞將帥之殊榮况
地接燕集作回山境連京甸兵雄俗阜拱我宸居宜擇英

賢以壯垣翰具官某乙雷泉稟氣邛石降籌習我

集作起

翦之兵書用闕張之戰略雄嚴可憚忠赤無疑彰勇藝

於轅門顯勤勞於禁旅言皆許國志在忘

集作不謀

家驛騶

豈戀於繫維鷓鴣常思於振擊今故錫

集作委

之旄鉞

集作

節

授以土田俾使于邠用示殊寵爾其申嚴斥候訓習

師徒增疇壠以俟豐穰飾噐甲以圖精利蒐乘補卒無

惑於

二字集作或

惰游禦寇安人必

集無必字

期於靜謐尚父之

英威未殄古公之風化猶存勉揚政經無負憂寄可檢
校某官克邠寧節度使主者施行

授李師望定邊軍節度使制

門下全蜀之南封部避廣屏限蠻貊為要衝間者守將不嚴寇兵來陷蕭條故地寂寞有年與其黷武開疆孰若屯師固圉况精甲可用腴田可耕苟得其人豈復翫寇是用割分州里崇建翰垣思其長才付以重事更求中外格于旬時果得良臣式契朕志朝議大夫前鳳翔少尹上柱國賜紫金魚袋李師望早以才幹彰于吏途縱橫不竊沉毅有斷頃歲王師伐叛命爾供軍糗糧

相繼於路岐兵士皆忻於飫飽裴甫之後爾守天台克
以偏師大挫狂孽厥後繼領符竹咸推器能二尹岐山
既從休罷鷲羽豈閑於鞬上神鉞終躍於腰間朕以荒
服未寧坤維多慮式當經制尤渴英竒知其可行召與
之語嘉謀響答雄論風生奏刀而髓髀皆虛聚米而山
河盡覩築壇驟拜余無悔焉於戲初造之邦詎有堅敵
種落雜處兵糧未殷全資智謀克在威愛爾其投醪共
味立法推誠理軍猶家養士如子闢汙萊以務稼穡蓋

險阻以制關防弓矢戈矛當嚴鍛礪風雲氛祲無忽視
瞻熟孫武之韜鈴慕孔明之事業使遊咩城下常驚鼓
鼙之威大度河南永保金湯之固勉思報國勿負知臣
擢握兵符銜榮憲印統諸軍之鈇鉞兼六郡之賦輿上
應星辰貴為侯伯將旌殊渥匪限彝章敬之戒之無忝
休命可雋州刺史兼御史大夫克定邊軍節度使眉蜀
邛雅黎等州觀察處置統押近界諸蠻并統領諸道行
營兵馬制置等使

授寵從武寧平難軍節度使改名師古制

張玄晏

門下沛澤遺封砒

漢書作芒

山奧壤俗稱雄富人本質良古

為用武

一作物非

之鄉今乃優賢之地况自嬰多難極迫挺

災蒸黎嘗困於流離全材久專於綏撫已觀試可爰議

正名時舉寵童用申獎勸具官寵從夙懷明略早負壯

圖精專能習於豹臨瓌偉素推其驚領襟靈豁達氣宇

剛嚴居然將領之才邈爾深沉之度差肩頗翦接武韓

彭揚閩外之休聲富幄中之嘉畫自委之留事頌我詔
條惠愛行於鄉閭威望揚於士伍克成謚詠遠副憂勤
臨戎既耀於雄稜撫俗備揚其善政迨移歲月足洽寵
靈是宜錫以旌幢進其官秩奄有徐夷之一境爰撫大
彭之故都膺吾眷求永作藩翰於戲敬敷五教光摠十
連踐論道之華資加御貴之榮級無忘惕勵以奉恩光
可某官仍改名師古主者施行

授王敬菟武寧軍張珂彰義軍節度使制

前人

門下錫以土田付之旌鉞必擇非常之士載弘不次之
恩况沛澤雄藩涇川巨鎮委用咸彰於試可節制宜膺
其正名爰舉徽章式

一作並

分戎閫具官王敬羗夙號將

才早探軍志襲淮流之積慶挺山立之雄姿勇實兼人
智能周物蘊變通之茂用懷經濟之遠圖具官張珂閔
闕名門韜鈴祕略孝友克宣其遺美忠勤幼闡於令名
劍氣干霄鳳音合律撫士則能均其苦推誠而可貫神

明頃者頒我詔條各成政化

一作
郡政

惠愛亟沾於疲瘵威

聲益布於鄉閭爰自主留彌觀奉上既播褰帷之美勉

承建節之榮仍俾䟽封用光裂鎮噫

茫
漢書
作芒

碣壓境種

落連營握兵符而皆是通侯披大旆而具為上將當思
報効以服恩榮敬羨可某官珂可某官主者施行

授馮行襲昭信軍節度使制

門下分節制之任所以嚴我翰垣膺庶問之權所以宣
吾風化矧夫界連梁楚襟東咸秦據廣漢之上游振終

南之巖險昔為禦侮之地用固神州爰升連帥之雄以
疇丕績言從人欲乃降朝恩昭信軍防禦使特進檢校
太子太保使持節金州諸軍事守金州刺史兼御史大
夫上柱國長樂縣開國伯食邑七百戶馮行襲決雲利
刃逐日竒蹤禰衡重一鶚之名闕侯蓋萬人之敵御衆
布投醪之德禮賢懷比飯之恭智略出羣忠果成性造
次不違於遵獎周旋備覩於公勤自委以頒條命之剖
竹蒞事繼懸魚之美臨人宣建隼之威疲繭既成其息

肩豪右屢聞於破膽獻奉無闕賦租罔憊况頃者荆襄
路途兵戈驟起而能遽開間道俾達上京盡通江嶺之
貢輸來助朝廷之經費尋彰績效今有甄酬而一境緇
黃數邑耆艾咸陳章疏請降節旄膺吾入保之榮茂彼
登壇之寵往服休命無忘敬恭可某官主者施行

授李思敬武軍李繼顏保大軍節度使制

前人

門下洋源奧區廊峙重鎮近境深聯於甸服長川古號

於塞門念斯節制之雄
睹尸察廉之寄必資才傑
用副選求乃者雕陰實維
戎事壁壘且勞於九拒干
戈僅徧於四封姑務安人
爰從易地具官李思敬練
達韜鈴振揚威望保風雨
不渝之操得寬猛相濟之
機奉上誠專

一作深

康時績茂常蓄持危之志
雅推御衆之能具官李

繼顏驍果馳聲剛柔蘊用
負致君之全畧逞邁俗之
宏規克稟義方幼知忠孝
發黃間而破敵麾白羽以
臨戎並早沐恩榮俱分憂
寄不乏循良之稱亟彰持
重之大

繼成襦袴之歌顯著山河之誓今則俾之迭處用叶厥
宜公台不改其華資終始各思其竭節於戲土田其疑
廣爵秩互崇當遜志以保家勉輸誠而佐國勿恃險以
生事宜恭己而守常服我寵光無忘敬慎思敬可某官
繼顏可某官主者施行

授王潮威武軍節度使制

門下朕言念蒸黎常勞旰食其在遐徼尤所注懷况閩
越之間島夷斯雜非威望不足以懾伏匪仁恕詎可以

惠綏某言善政已成殊庸未陟則宜假之鈇鉞錫以麾
幢俾兼節制之權式寵察庶之寄具官王潮術深金匱
學富玉鈐彎弧傳百戰之名撫劍號萬人之敵才高御
衆志本勤王風雲暗合於機謀霜雪不移其節槩為仁
由已重士逾山雅負將材尤精夷理自撫寧列郡振舉
六條疲氓懷愛戴之心漓一作喬俗仰廉潔之德集是休
烈溢於聽聞而職貢交脩賦輿靡闕尊主之誠可見勝
殘之踐疑無踰是用負海建牙踰閩錫社狗彼遠人之

懇慰其闔境之情爰壯中權仍遷左揆爾其守茲舊貫
服我新恩勿恃貴以驕人無作威以生事更勵奉公之
節益堅惠下之規別俟寵靈罔虧績効可某官主者施
行

授李繼徽秦州節度使制

門下邠土雄藩西郊故壘封境克連於甸壤城池近接
於昆夷爰膺節制之榮兼奉察廉之寄向非雄傑孰稱
選求况仍歲干戈未蘇惇獨鎮靜允先於良將拊循尤

藉於通賢得不因彼士心

一作忠宣

茂茲朝委我有休命人

其聽諸具官某生知武畧夙號將材得黃石之沉機摠
青萍之利用貞心貫日壯氣凌雲蘊豐財和衆之名遵
抱義戴仁之事自四郊多壘一劍臨戎推誠明以奉君
親仗忠信以為甲冑處衆每觀其自奮遇敵雅號於無
前茂著功庸動彰節槩乃者剖符隴坻建隼吳山頌條
早振其休聲守土載揚其善政委之鈇鉞錫以土疆撫
成紀之遐封治秦川之拓地投醪布德減竈傳謀憂國

志家赤心可見飲水食蘖清操難儔今則再寵綠徽是
光黑稍增其好爵廣彼爰田用分宵旰之憂式狗疲羸
之請爾其將我惠澤施於一方簡以臨人寬而整衆可
推養理之志用宏輯睦之規無怠親隣勉思稼穡奉於
公者必舉涉於私者勿為副此虛懷更圖明陟

文苑英華卷四百五十七

欽定四庫全書

文苑英華卷四百五十八

宋

李昉等編

制書十一

節鎮七

授葛從周兗州節度使制

韓儀

門下建牧立監施亭育之深仁顯忠遂良表激揚之茂
典其有聲馳軍伍績著郡符威令夙振於戎行美化霽
流於封部允契求材之念宜當分閭之榮遂舉寵章俾

膺重寄具官某學洞玄符智苞黃石抱刻銘燕然之志
蘊刊碑勃弄之心氣薄雲天義凌霜雪以和為貴用壯
處謙御下而寬猛有經料敵而鎗銖罔失朕以鄒魯重
鎮兵革連年慎擇可人用蘇疲俗得於僉論叶我敷求
昔魏延以勇略逸羣自偏裨而登上將呂蒙以材智拔
萃捨行陣而搃戎麾况乎早踐方州屢登崇秩績効已
彰於靡監獎酬宜示於優恩仍加水土之尊式寵旌旄
之寄爾其靜訓驍勇之士惠先惇獨之人布我憂勤康

其凋瘵膺茲超擢無忘恪恭

授李思讓延州節度使制

門下夫息亂以靜濟道者權當底定干戈之時乃更易
節旄之任寧辭改作式貴叶宜不移將相之榮別奉藩
宣之寄用光勲傑爰舉寵章具官某氣薄雲天志堅金
石蘊翦起之雄勇負寇賈之智謀誠明可以伏鬼神義
烈可以貫風雨累代以勲勞報國狗節忘生一門以忠
孝承家推心濟物功銘鍾鼎誓著山河每逢多難之秋

必奮安危之用昨以邠岐動衆畿甸匪寧授以統臨錫
之鈇鉞舉旄効命投袂連行備聞靡盬之誠克抱盡敵
之意朕念兵革繁興十有八載蒸黎版蕩一作邑里洞

虛為人父母之心深一作慙涼德拯國艱危之運唯有

責躬爰議罷兵用安率土又念昨者邠人不令潛持兩
端有悞軍機遂成退守復臨彼土自不懷安雖欲撫寧
諒難輯睦是乃換雙旌之雄重割兩郡之膏腴成一家
千里之封列三鎮十連之責勉思勤竭膺我寵靈

授李成慶夏州節度使制

門下夫有大功德於天下者必慶垂私門賞延於公室者必傳家令子賞延者國俾嗣者侯著之格言是為彝則祇膺丕訓虔奉成規徵比事經式登功緒必盈僉論方舉寵章某官繼美勲門生知戎略識度早聞其善將風稜尋號於老成朔漠之氣嚴天資殺勇崆峒之人武神授端莊以忠孝為身經守謙直為家法諸父每舉宿將知歸徐冕沉詳幼而特立既克紹於門風爰委用於

舊土未行真命且假劇權士心咸感於惠和封部果臻
於寧肅既符試可須議與能方當殄寇之時將用正名
之典我之異渥實為訏謨以爾成慶代有殊烈祿山滔
天之日文已載於司勳朱泚盜國之時績復書於盟府
洎黃巢犯闕先臣進兵兄弟宗族携率征討首謀大計
果成元功麟閣丹青鴻鍾紀勒垂之不朽永以無窮今
則近輔元渠久未誅剪朕之鬱憤格于皇天爾其思魯
高戡禍之勳績父叔定傾之烈盡驅銳旅速殄妖巢克

副家聲以康國步服我休命所宜若何勉樹功名勿孤
注倚

授涇州節度使張璉加檢校司徒同平章事制

崔遠

門下書云用命賞于祖不用命戮于社然自三代以還
未有不戮暴亂不賞功庸而安國家定社稷者也近者
徵其銳旅討彼元兇不越月而捷書繼聞未逾旬而鎮
城連下易如拉朽勢若建瓴諒非昭代之才孰濟勤王

之績我有懋賞爾其聽之某官切玉雄鋒摩霄健翼智
符靈蔡節貫寒松繼乃父之休勲鎮于巨屏誓忘家之
壯志控彼邊陲積粟訓兵安人阜俗不忝登壇之寄彌
光出將之門近者宋文通顯背國恩堅違君命將清叛
亂爰仗忠良首奉詔書龔行討伐選射戟盤矛之將率
控弦帶甲之徒既已先啓行復深入其阻立志無慙於
馬革輕生不讓於鴻毛矧聞纜出封疆繼降城鎮一作鎮戍
既臨賊境克保隴城振貔武之威聲斷螳螂之怒臂而

又不勞經費自備糗糧惟踴躍以用兵不因循而翫寇
今則方憑妙畧共殄長鯨雖伐罪吊民以覩訓齊之令
而誅妖剪恠合資掃蕩之謀是用俾壯軍威仍加相印
以勵始終之効勿辜倚注之恩敬之戒之服我不訓

授蘇文建邠州節度使制

門下梁漢古封河池名郡有關山之險阻當巴蜀之要
衝苟非勲賢不可輕授我今有命允謂當人某官截海
雄姿追風逸步得左馬右人之術洞玉鈐金匱之書加

以幼慕功名早懷壯槩攬轡蘊澄清之志臨風多慷慨
之詞頃在禁宮屢竭忠節四奉指揮之任久彰羽衛之
榮洎委節旄俾之鎮撫當巨逆梟夷之後是邠郊凋瘵
之秋而爾復茂政能益堅撫字未周星律已播謳謠方
深倚注之懷用安黎庶旋屬干戈之患每軫焦勞既互
有奏陳慮多嫌隙冀寧生聚爰職改更復以未戮奸宄
方思勲舊殄寇既資於上略搃戎宜錫其名邦俾居十
乘之榮以長萬夫之氣爾其便提驍果亟赴征行破其

城社之祆刷我宗祧之耻然後仗茲龍節蒞彼雄藩高
居將相之尊永保山河之誓人臣之節丈夫之榮何以
加焉爾其自勉

授安友權安南節度使制

鄭璘

門下朕以伯侯之崇列於藩翰旌鉞之寄屬在忠勞况
其俾奉詔條佇乃聲效宜洽念功之典用資撫俗之才
具官安友權學奧六韜術探三志得子玉理兵之要有
少卿養士之心自屬艱難彌勵成節侍衛之勞既著星

霜之志靡渝載陟周行益恭環列校其勲績宜舉寵靈
乃瞻海隅地聯越俗每思封部尤在撫安徃分瑞節之
榮更益公台之重爾當奉茲七德睦彼四隣夙夜以勵
武功周旋以修軍政成于樂土副我朝恩勉服訓詞欽
承厥命

授錢鏐潤州節度使制

門下登壇命帥俾宣力於四方暢轂戎車付機權於十
乘鎮于列土委茲誠臣所以功著者寄崇勞大者賞厚

由是將

疑作時

膺兼領迭擁戎旌爰稽至公遂行殊渥某

官凌霜勁節溢匣竒鋒功成不居卑以自牧分山西之

秀氣將

疑作特

稟威稜讀圮上之偏書洞知韜略名齊飛

將績茂冠軍自撫藩條綽聞政理法去滋彰之弊人稱

勞徠之安蔚然風聲遠陳謚詠昨者董昌輒生狂逆顯

負恩榮既署官僚復更正朔自檢貫盈之罪敢憑城社

之安謂天網之可逃宜有土之共棄悖慢之狀遠邇咸

知鏐於此時獨奮忠節掃欃槍之巨寇清沴氣以無遺

爰整干戈竟開城壘捷書上獻殊庸卓然且思勸善之
文遂舉疇庸之命是用益其疆土盛彼旌旄增鏡水之
名封兼金陵之奧壤合此重寄殷為大藩風煙載嚴控
制甚廣允暢萬夫之望彌張列郡之雄我所報功斯謂
格寵爾當勿私彼教每務謚寧偃戢兵戎拊循凋弊動
體安人之本自成樂土之風獎任益崇鎮臨攸重勉承
明訓徃惟欽哉

授李鐵邕州節度使制

門下漢之上將或委登壇古之萬夫用期觀政所以典
拂素難於方面僉諧遂舉於寵章有我勲勞宜悵恩擢
某官秉節持重抱噐謙明既熟戎韜兼通軍志拂青萍
之出匣百鍊無前整紫鷺之追風千金莫對感激而雷
霆助順訓齊而貌武增雄爰自先朝荐逢多難功烈昭
著金石無渝且聞宿衛之忠亦著載馳之効每稽功秩
盡瘁十年爰用陟明嘉于一志乃睠邕部實為舊藩接
服嶺之要衝連駱越之奧壤付茲重寄繫爾雄才爾當

清以臨人和而馭衆善施條教動慰蒸黎蘇我彼封佇
成樂土仍峻保安之秩式崇鎮撫之名往惟欽哉勿怠
丕訓

授李繼密山南西道節度使

門下朕以恭已視朝詳理興化對山河之美必念功臣
聽輦鼓之聲每思良帥况其華陽真壤黑水上游提封
遠振於山川列郡豈惟於千里爰授勳略往膺撫綏斷
自朕懷允符僉屬某官深沉曠度果敢知名秉義向公

服於吏事披堅執銳振彼軍功奉國勵心以身率下暑
不張蓋惠若投醪刺隴坻而師必樂隨鎮洋川而人皆
自便卓然威稱洽乃風聲今以梁漢之間撫理是切允
思安又諒屬智能既習俗以不遷睠寵章而宜舉况爾
伯父鎮于是邦舊愛尚流承家益美想彼下車之後必
聞蒞政之方爾其蘇秦蒸黎務勸耕織謚寧封境謹奉
詔條致我巨藩成其樂土不改三公之貴用光十乘之
權厥惟欽哉勉承嘉命可權知河陽節度使觀察留後

特進檢校司徒兼御史大夫上柱國隨郡開國子食五百戶

授李思敬馬殷湖南節度使制

盧說

門下十國為連萬夫是長兼文武之寄居方嶽之重握我兵符疇咨人傑而又東神京襟帶扼衡越咽喉䟽五時之封疆跨三湘之土壤節制之重東求惟難允叶僉諧爰膺並命具官李思敬族著山西神交圮上鼎鐘刻

伐帶礪誓封探義府之淵

唐諱一作振疑作根

源暢和門之方畧

雙鞬小戟承家而援臂推奇叔豹季狸濟美而牛頭入
夢具官馬殷夙彰奇節素挺英才究六韜三略之微得
十圍五攻之要誅暴救亂戰必勝而攻必取安人和衆
近者說而遠者來既有勇而知方善勝殘而去殺並懷
仁抱義履信資忠載張四維俱崇七德或貳戎車之政
令寬緩不苛或列雄鎮之偏裨動用安重使惇嫠服其
惠桀黠畏其威為我寶臣咸彰嘉績有以難兄告老澁

懇以聞俾諧內舉之誠爰頒試守之命有以元戎殞喪
軍俗上陳言其以得士心可使為帥姑徇人欲爰假武
符或曾未半朞或始逾星紀皆聞報盡允叶陟明而善
守化條克固吾園綏懷有庶協比其隣底貢率循于舊
章賦事罔愆於彝制不有即真之命曷明勸賞之文是
用授以旌旄錫之鈇鉞或昇其馭貴啟以邑封洎夫端
揆之崇並壯方隅之寄各竭誠節以奉明恩撫字蒸黎
尊獎王室無窮九貢靜布六條咸思不溢之言以謹有

終之戒服我謨訓往惟欽哉

授孫德昭安南都護充清江軍節度使制

吳融

門下夫悍大患者必見危致命立竒功者乃知幾其神
苟非憤激于衷義形於色則安能彰明大節果斷一時
正垂象以迴天決浮雲而出日惟人所至何代無才既
得忠賢卓然超異宜加寵數用激人倫具官孫德昭河
右英才山西勁氣通白猿之劍術得玄女之兵符振跡

和門登名勇爵非義不服惟忠是圖克揚羽衛之事功
罔墜先人之職業朕憶昨釁生不測禍起非常儲皇因
逆黨脅從大寶為渠魁搖動萬乘幽辱兆民震驚爾能
首唱義師力扶王室率貔武於重城之內戮鯨鯢於兩
觀之間出予榛棘之前復我當陽之位今則皇綱反正
天性如初議臣誠則冠彼羣倫語將略則高於一代是
用授之旄鉞帖以鈞衡既兼保傅之崇仍益井田之廣
階升一品職重六都誠謂殊榮未酬忠力勉圖終始用

保休光

授王行審鄜州節度使制

門下古之命將也推轂以示其優恩設壇以彰其異禮
蓋付以生殺之柄受其制臨之權用為翰藩以固疆土
北馳柳塞南控金河欲靜烟塵必資心膂既俞公議爰
命誠臣某官隴右良家山西茂族稟風雷之勁氣挺鷗
鶚之雄姿自名冠伍符身登勇爵孔明八陣列于胷中
呂望六韜懸於掌內况早專留務甚洽政聲帝澤皇風

嘗聞其導達殊方異域悉致其懷來耕農不廢於三時
凋瘵盡蘇於一境夫賞功所以華國貴不逾時旌善所
以勸人務將致理是用委之玉節寵以牙璋仍加五等
之封更厚一成之賜於戲爰自多難常思勲臣期於倚
注之間能濟艱難之運然則未富土地者我富之以土
地未貴節旄者我貴之以節旄苟懷報上之心宜顯為
臣之道勉膺重寄善立竒功山河在前終始無替

授孫儲秦州節度使制

門下武惟靖亂文以守成蓋自昔之通規亦當今之令
典況地連隴蜀城控邊陲久息戰爭近經惠養思繼前
政用安一方爰屬僉諧得茲人傑某人學富縑緗文輝
組繡有經濟安時之術負恢張出世之才加以立性端
方操心勁直臨事因思於擇利當官每切於推公以是
淑齊居為理具將重其選孰與之先昨以邠土輿區逾
時關帥俾專旗鼓用息烽煙而屬十乘未臨三軍獻狀
既聞陳請須議改移今復以成紀巨藩仇池善地將圖

靜鎮乃易麾幢不離寇土之崇增以列侯之貴仍加食
采更重登壇於呼制獷悍者須用其至公撫疲羸者無
先於不擾非仗忠正兼資潔廉則何以副吾乃睠之憂
慰彼倒懸之急勉圖終始無忽重難敬之戒之服我休
命

授劉崇望東川節度使制

門下武惟靖亂文以守成二者相須百王不易眷彼左
蜀實為輿區分襟帶於銅梁束咽喉於劍閣久纏兵革

今靜烟塵當疲瘵息肩之初是循良為理之日不推舊
德何撫新邦式副僉諧爰申寵數具官劉崇望文含大
雅道茂中庸藹玉燭以舒和挺金相而稟秀閨門密行
每垂範於縉紳朋友推誠自可期於風雨蘊是休稱居
為令人洎踐歷諸華敷揚典誥迫於公議委以國鈞而
能上宣三光下遂萬物臨事而曾無辭遜操心而惟務
和平尋於東土多虞徐方擇帥乃魚金鉉付以牙璋爰
自罷歸累更寒暑既經多難彌振居聲令以庸蜀休兵

梓潼無事俾銜專命往慰蒸黎而中外羣情朝廷所屬
皆言重寄可委當仁是用寵以麾幢授之方面進升揆
路仍假台司且彰倚注之深更示統臨之重於呼汝當
為吾輔相吾固熟爾訐謨舉必推公動能克己今欲推
公則莫若無黨克己則在乎不貪勉副前言更彰後効
無忘警戒以保厥圖

授孫儲邠州節度使制

裴廷裕

門下惟彼邠邠連近咸鎬雜華夏羗渾之俗有公劉后

稷之風地控三州境延千里撫茲疲俗允屬名臣某官
磊落喬松晶明片玉以雍睦作理家之本用詩書為干
祿之基信厚難窺端莊不倚動皆顧行玉遠每耻於妄
言志切導人季路罕聞於宿諾明鏡利劍高謝塵埃止
水秋山居為圭表自拔於侯府選在明庭心惟業官舉
不避事廣明中盜侵關輔兵滿京師恭惟先皇帝遠幸
右蜀爾則佐彼上相首誅助桀之人贊我元勳大挫吠
堯之黨爾後一麾出牧雙節升壇安人得賢太守之風

訓兵盡真將軍之令龔黃並駕管樂齊肩疊是功庸宜
臻顯貴睠乃巨屏素號名藩爰自前朝必求名帥郭子
儀以山河之誓勘定多難白敏中用廊廟之尊經營薄
伐近則荐其疑作興喪亂方苦流亡將欲戢彼干戈保其

生聚朕意

一作是

念人惟爾所宜靜以撫封儉而植已吊

彼凋殘之後弘其惠愛之仁副我殷憂佇爾蘇息大司
空貴秩左光祿崇階亦遣進封皆勸為理苟孤委任其
如法何

授韓建華州節度使制

楊矩

門下越自去秋狩于太華萬乘所至兆人是歸而大無
不周細無不具其間舉重典振條一作類網封畿肅清宮

闕斷度罔有廢事其何故哉吾有誠臣社稷之福今馮
翊近藩襟帶河渭撫馭不謹煙塵不驚將埃廓清爰考
前績官占蔽志吾何疑焉具官某星緯炳靈山河間氣
理先正本謀必應機知義安居士皆盡力厚生利用人
得保家問闔則咸仰吏師軍旅則共推良將范宣子尤

先興讓成安君止用作謀以標式大朝準繩列鎮一受
命則表章十上以得請為期一推心則忠孝兩全以奉
公為本摠是全德實吾偉人今者沙澤之陽疆理相接
屬階斯構改作是宜俾兼統制之權允竚撫綏之惠爾
當視同如華濟猛以寬則吾坦然人俟安一敬服丕命
以孚于休

文苑英華卷四百五十八

欽定四庫全書

集部

文苑英華卷四百

五十九至
六十一

詳校官庶吉士臣柳遵祖

助教臣常循覆勘

總校官進士臣朱鈐

校對官中書臣鮑之鍾

謄錄監生臣錢萬卷

欽定四庫全書

文苑英華卷四百五十九

宋 李昉等 編

詔勅一

命將

命呂休璟等北伐制

蘇 頲

門下朕聞守在四夷蓋安人以和衆加於百姓豈窮兵
而贖武然則日之所出弗俾于化故知天之所討必龔
其罰自默啜虔劉肆暴桀驁反常獨為匪人假命驕子

者有歲時矣雖奉書就邸或遵於聲朔而控弦犯塞已
毒於疆場朕惟務懷柔每在含忍遂使庶邦憤積稽其
六月之師逋冠禍盈窮此百年之運金山道前軍大使
特進賀獵一作獵毗伽欽化可汗突騎施守忠二庭貴
緒萬里威聲忠而善謀勇則能斷自膺殊禮名寵於外
藩思立大勲志勤於中國兼遣弟右監門衛將軍守節
長驅沙漠直指金微默啜舉其種類來相抗拒近殪於
鋒鏑之下已若亂麻遠慮於廟堂之上將同破竹豎昆

在右掎角而東並累獻封章請屠巢穴朕又聞不得已
而用者孰若兵機不可得而違者迺符人事永言取亂
宜戒徂征右領軍衛將軍兼檢校北庭都護碎葉鎮守
使安撫十姓呂休璟心堅鐵石氣橫風雷始則和戎之
利先得晉卿終而逐虜之功方邀漢將可為金山道行
軍大摠管北庭副都護郭虔瓘安處哲等懷才抱器蓄
銳俟時慣習軍容備知邊要並可為副大摠管領瀚海
北庭碎葉等漢兵及驍勇健兒五萬騎金山道前軍大

使特進賀獵趾伽欽化可汗突騎施守忠領諸蕃部落
兵健兒二十五萬騎相知計會逐便赴金山道朔方道
行軍大揔管右武衛大將軍攝右臺大夫同中書門下
三品上柱國韓國公張仁亶文武將相莫之與京心腹
大臣一作牙爪是所繫賴當分閫之任受升壇之律常願身
先士卒而以賊遺君父與副大揔管右監門衛大將軍
魯受信等領蕃漢兵募健兒或用絕羣飛騎城傍等十
五萬騎赤水軍大使涼州都督司馬逸客外寬內明正

辭直道標慷慨之節曾不顧身蘊經營之志期於盡敵

與右武衛將軍陳丘右金吾衛翊府中郎將李玄通

一作

道副使右驍騎衛鹿陵府折衝能昌仁左衛神山

按唐地理

志神仙府在晉川

詔今作神仙非

府折衝陳義忠等領當軍及當界蕃

漢兵募健兒七萬騎豐安軍大使靈州都督甄粲副使

張趙壁常元寂等領蕃漢兵馬六萬騎防禦羣牧大使

臨洮軍使甄亶領當軍莫門

唐會要作英門非

積石等軍馬募

及秦蘭渭城等州大家子弟揔二萬騎建康

會要作建庫非

軍

士甘州刺史李守微玉門軍使肅州刺史湯嘉惠墨離
軍士瓜州都督李思明伊吾軍使伊州刺史李脊交等
各領當軍兵馬與突騎施守忠呂休璟等計會共為表
裏莫不運其長策悉心而効六竒接以短兵指掌而論
七縱使天陣齊舉雲且備設賈勇於飲醪之夫一以當
萬揚威於汗血之騎左縈右拂咸繫龜斬蛟曳牛佩豕
必能力簸窮海聲壓大荒刈谷蠡之庭拔祆一作渠之權
壘不遑渭橋之拜已見陰山之哭然則持旌節執金鼓

者所以問不賓誅首惡而此夫不誠復迷則堯俾存開
網之仁預軫焚舟之歎休璟所領兵馬甲仗一事已上
仍依別勅處分主者施行

景龍四年五月十五日

一作皆唐大詔令

命姚崇等北伐制

黃門

一作門下

朕聞上古聖王之政

一作致

理則教之以戰陳

之以兵蓋威不讐而服不順也故始於禁暴終於偃革

一作伯

斯不得已而用之朕以寡昧誕膺鴻業思欲率於

動靜歸之教化豈要荒之外棄為匪人而亭育之中視

則如子罔不遵我文軌修其貢賦歲時相望道路抵一作

砥一作屬而默啜素稱桀鷲鳴鏑於狼居項自懷柔屢一作獻

書於象魏朝廷所以許其通好議以和親使臣累齎繒

帛侍子令襲冠帶庶中國無事長城罷守戢干戈而銷

劍戟者朕之意焉豈謂我盟不渝爾約斯背伊庭之際

遂敢侵軼西北偏隅尚聞嘯聚雖摧其精銳而困於圍

逼此不虞之失也朕甚一作嘗憐之犬羊無親不可恃信

而輕敵熊羆有勇威能宣威而制勝朕由是詢卿士之
奏攬英雄之心謀元帥而得佐軍恢遠圖而舉長策隨
時之義其在豫乎兵部尚書兼紫微令監修國史上柱
國梁國公姚崇天降一作假其才日新厥德禮義為本居
有四鄰一作科暮猷是先坐知千里以仲山甫之操管夷
吾之能智湧泉而不窮精貫日而愈勵信廟堂之柱石
鼎鼐之鹽梅必能奮爾六竒光我三傑可持節靈武道
行軍大摠管管內諸軍咸受節度右領軍衛大將軍兼

檢校單于大都護鎮守軍使張知運寬厚沉毅外方內直威而勇決自懾單于之臺惠則無循咸仰將軍之樹可中軍副大摠管權檢校原州都督李欽憲家承將相器兼文武求古人之節臨事不回讀前史之言好謀而斷可佐軍副大摠管檢校左威衛將軍靈州都督呂休璟慣知邊要久探戎律誠期報國去病安用家為奮不顧身伯昭不持賊遺可右軍副大摠管左驍衛將軍論弓仁右金吾衛大將軍勿部珣左領軍衛郎將攝本衛

將軍張直

一作真下同

楷單于副都護臧懷亮右領軍衛中

郎將王海濱前朔州刺史劉元楷右武衛郎將楊楚客
并州定清府果毅元蕭然等頗牧為用闕張其敵懷才
倜儻嘗邀百勝之功立志經營備習九章之訓弓仁及
詢並可前鋒摠管直楷可左虞侯摠管懷亮可右虞侯
摠管海賓元楷楚客蕭然等並可行軍摠管大僕少卿
田崇壁鄜州刺史韓思復等強力從政精心在公知無
不為利有攸往入敷事典省閣稱其閑練出綜條察吏

人

或作官吏

畏其嚴明崇壁可兼行軍長史思復可兼行軍

司馬兵部郎中李休光司勳郎中張敬忠兵部員外郎

王上客刑部員外郎楊欽明江州別駕李邕等或特達

珪璋所謂登壇之寶或翩翩書記曾聞及雷之詞可以

光贊出車弘宣入幕並可行軍判官靈武軍兵加滿十

萬人舊馬既少宜於內外閑廐抽壯馬添滿六萬疋原

夏等州要害處亦量加馬其後軍兵六萬人馬二萬疋

先來點定宜令衛尉卿李延昌左羽林將軍楊敬述等

至冬檢閱且當處團結待後進止其有先鋒破賊斬馘
摧堅功效燭然者並委軍將便定功賞不須限以常格
愍管以下有損失兵馬不能力戰棄軍逃命者便殺一作

斬

其有棄軍入賊不能

關

死節者妻子依叛緣坐法凡

此和衆誓于師兵統燕犀冀馬之雄屯斬蛟挈龜之勇
鼓輦沸野旌旗彗雲宣式過於河塞方震驚於沙漠於
是乎善醪以信之芳餌以賞之戮揚干之僕必行其令
持穰苴之兵不枉其法堅壁清野則投石而有餘追奔

逐北則掃塵而無類俾權宜於閭外仍布告于天下暨
勞永逸在此行焉主者施行

開元二年三月十八日

一作皆唐大詔令

命薛納等與九姓共伐默啜

黃門朕聞天所與者奉天命而不違人所棄者順人心
而必伐由是古先帝王光宅區縣實仗威武用清荒戎
時義遠矣默啜以叛亡餓隸凶忍遺孽敢迷聲朔獨匪
人臣禍皆所召祆不自作舉其巢穴盡是離心瞻我闕

庭相望內面猶竄身於寒苦且寄命於旬時當胡運之
已窮在軒兵而可逐九姓部落等忠誠貫日義烈聞風
數其擢髮之憊成於屈指之計請除驕子累遣使臣摧
鋒而願先驅蓄銳而期後命右羽林軍大將軍朔方道
大摠管薛納左衛大將軍安北副大都護兼郟王府長
史平郡公張知運右羽林軍將軍兼涼州都督赤水大
使楊敬述右騎衛將軍論弓仁左武衛將軍大武軍大
使于仁誓右武衛將軍豐安軍大使杜賓客豐州都督

西受降城使呂休琳

一作璿

勝州都督東受降城使邵宏

左金吾衛大將軍迴紇伏帝匐右

一作左

衛大將軍渾元

忠左衛大將軍似和舒右武衛將軍兼賀蘭州都督契

苾承祖等或出將入相有經濟之才或敦詩說禮有齟

鈐之筭或嫖姚仕漢有遮虜之勲或由余入秦有伐戎

之策謀彼元帥擇于佐軍可以授旗遂行推轂而進納

可中道大摠管賓客宏休琳等為副知運可東道大摠

管弓仁仁誓為副敬述可西道大摠管伏帝匐元忠和

舒承祖等為副各領馬匹五萬人與九姓計會三軍既
整百道齊入吳鉤楚練照耀陰山之峯冀馬燕犀張皇
窮漢之地况彼寇惡積我師義動知存亡者觀其兆摧
枯朽者鮮其力庶使疆場罷候從此息人邊鄙不虔一作
虞因而盡敵布告天下咸遣知聞主者施行開元四年正月二日
一作皆唐大詔令

賜將士書

與昭義軍將士書

白居易

勅昭義軍節度下將士等當軍將士與諸道不同自經
艱難多易將帥而忠順之節未嘗有虧朕每思之無時
暨忘盧從史為卿主將作朕藩臣權位尊崇恩寵優厚
而乃外示恭順內懷奸邪剝削軍中暴殄境內朕以君
臣之道未忍發明為之含容頗有年月近又苟求起復
請伐集作討恒州與賊通謀為國生患自領士馬久屯行
營收當軍賞設之資加本道芻粟之右不為公用盡入
私家此則主將之恩於卿何有臣子之分負朕實深卿

等辨邪正之兩端識逆順之大義抱忠勇者耻居其下
守名節者憤發於中失三軍之心已聞大去犯衆人之
怒果見不容遠察事宜備知誠欵興言嘉歎至于再三
其當軍將士等賞設已有處分上自將校下及士卒各
勵爾志再思朕言卿等從集作承前已來常保忠貞之節
自今以後永為心腹之軍宜念始終副茲囑望故今宣
慰宜並悉之夏熟卿等各得平安好遣書指不多及

同前

勅昭義軍節度下將士等卿等久在行營乍無主將而
士旅輯睦軍壘安寧足彰守正之心尤見盡忠之節以
此歎囑勞於寢興益元陽是朕信臣為國良將威畧可
以懾克尊慈和可以收師人累著忠勤克諧朕命為其
主帥必副羣情况卿等同嫡姦邪久困貪暴宜以仁賢
之帥撫卿忠義之軍靖思元陽無出其右今授元陽檢
校尚書右僕射充卿等當道節度使勉同王事以慰朕
懷烏重胤特効忠誠深宜獎擢今便授河陽節度使兼

御史大夫故令宣慰並宜知悉

與昭義節度親事將士等書

勅昭義軍節度下親事將士等盧從史受恩至重負國
至多衆所不容追令赴闕朕以誤曾任使貴全始終今
則止於貶官此亦集作曲從寬典卿等抱忠懷義朕所

素知頃以諸營同事從史三軍一體俱是王臣既不
干又能自効朕方優賞以酬功勳何至不安有此疑懼
必恐從史已追之後元陽未到之間卿等當營乍無主

將或被外人扇誘遂令衆意憂疑勢使之然事非獲已
朕雖在此遠見軍情料卿本心必無此意况元陽勤儉
恤下寬厚愛人久在河陽甚近澤潞元陽臧否卿等合
語以卿忠義之軍故擇仁賢為帥已有詔旨宣諭元陽
若到行營一無所問乃至將士家口亦令優卹安存卿
復何憂必得其所况昭義將士艱難已來保守忠貞未
嘗虧失天下稱歎卿已集作亦自知又卿父母妻兒家田
墳墓一物已上並在潞州倉卒集作頃刻之間豈忍便棄朕

之此語卿宜細思各相勉諭同保忠順計元陽已合到
彼卿等便取元陽指揮想卿等心必副朕意故令宣慰
宜並知悉

授恒州節度下將士等書

勅成德軍節度下將士等朕以王者之道與物無私若
違命執迷則罔有容捨若知非改悔則無不舍容

集作
宏

不窮無告之人不塞自新之路頃屬奸臣從史謀違異
端致使恒陽隔於恩外六郡之地皆廢農桑三軍之人

並罹鋒鏑朕每一念至中心憫然今卿等繼獻表章遠
輸誠款省承宗之勤懇難阻其情思武俊之功勞不能
無念况事因誑誤而理可哀矜今已降制書各從洗雪
承宗仍復舊官爵充恒冀深趙德棣六州觀察使成德
軍節度使將士等官爵實封並宜仍舊待之如初卿等
各宜協力同心知恩感德共保終始稱朕意焉故令宣
慰宜並知悉

與韓君雄書

鄭 畋

勅魏博權知兵馬留後韓君雄及將士等何全皞藉祖
父之餘基受朝廷之重寄身居節制位極公台所宜慮
危圖安忘私濟衆乃驕矜失道滿假為心刻削衣糧恣
行殺戮致三軍之怨怒乘馬匹以奔逃忽此敗亡良可
驚歎君雄素聞竒節久著威聲權於衆情主彼留事果
能撫安戎旅鎮定軍城將士等義激英雄名光壯武雖
從權而選帥終請命以聞天况知又寧尤用嘉矚今遣
高品康道偉等專往宣慰其他績議指揮想宜知悉秋

涼卿比平安好否遣書指不多及

與張文裕及魏博軍書

勅文裕及魏博三軍將士等駱全諷至知全皞紀綱失
制軍府離心衆議不容脫身潛遁再三省問驚歎良深
且何氏一門將相三代進韜則首推誠義弘敬則累建
勲庸全皞紹襲其芳主張軍旅亦能輸心向義赴難興
師雖無盪定之功頗著勤勞之節朝廷念其壯武益以
官榮位列上公寵兼台座一時之美無以過焉豈為

疑作

謂弛慢生災驕荒致患鼓師徒之怨怒貽祖父之包羞
三軍將士等義勇無倫忠貞有素負山西之壯氣因河
北之威聲必當洞明禍福之源深惜變更之體因以物
情積憤軍令乖張不可保安致茲騷動大凡卹人者則
父母虐我者則仇讐訓傳所言古今無異何全皞既敗
戎律即當舉正朝章韓君雄若合羣情權可主其留事
一一作務更俟奏報當有指揮將士等切宜禁戢兵戎肅清
疆境勿因驚擾妄有殺傷特遣高品康道偉等專往宣

慰言不盡意當識朕懷秋涼三將軍士等各得平安好
遣書指不多及

文苑英華卷四百五十九

欽定四庫全書

文苑英華卷四百六十

宋 李昉等 編

詔勅二

朝集使

處分朝集使勅

蘇頌

勅朝集使等朕自臨萬邦脩己三載何嘗不兢兢業業
勵精政道思欲棄末敦本阜俗安人寰瀛之間日月以
繼所以急於農務不奪人時富而教之庶乎可致夫苛

政甚於猛虎貪人比之蝥賊頃雖臨軒遣使

詔令作臨遣使臣

未能澄正此弊或刺以害物或擾以妨農或背公向私
或全身養望至使錢穀不入杼軸其空損瘠相仍流庸
莫返且四方事廣一人獨化共理之寄非卿而誰卿等
至州遮相勗勉詔今作勵勤恤孤弱勸率耕桑各効清勤無
或隳廢詔令作怠開元三年三月十五日

同前

張九齡

勅朝集使等朕恭已承天守文繼位布一心於兆庶明

四目於萬方恒恐道或未周物不遂性旁求俊乂共理

黎元于咨

集作
茲

羣辟寧不我副凡今政要畧有四端衣

食本於農桑禮義興於學校流亡出於不足爭訟由於
無耻故先王務其三時將以厚生也修其五教將以惇
俗也有國有家同知此義不患不知患在不行耳且長
吏數改政教屢移在官當先為國理人各惕其職不當
冒榮干進苟利其身澆俗不可不革淳風不可不長近
令刺史在任四考方遷實欲始終其情黜陟斯繫必若

縣得良宰萬戶息肩州有賢牧千里解帶仁政不遙行之則是皆能勵節朕復何憂且如浮逖客戶所在安輯征鎮人家每事優當

集作卹

倉廩

集作儲

惟實賦役惟均鰥

寡撫存盜賊禁止郵驛無弊姦訛不生念茲八事朕常

屬

集作屢

想嗟爾庶尹可不用心卿等還州遞相勸勉遵

此王度恤彼下人敬順天常無違月令夫星列躔次土分區域休咎之徵惟人所感善必知生惡亦有由每至

歲成當加賞罰宜知朕意

詔令有馬字

竝即好去

開元十二年三月十

三日

處分十道朝集使勅

勅朕臨御天下二十餘載每思至理實仗羣賢何嘗不
敷求循良共底于道隼旣熊軾光寵有加甘露鳳凰寂
寥無紀豈朕之不德感致所然為庶尹所能已極於此
是用寤寐增歎殷憂集作勤永懷更為後圖或未晚也且
一郡之政繫一人集作已之能泉源既清蓬麻自直為長
吏者可不勉之卿等至州遞相慰誨以副共理之意用

光分命

集作憂

之委且如河南

集無此二字

江左爰及山南歲

小不登人已菜色皆由好逐朝夕之利而無水旱之儲

卒遇凶年莫非艱食此則政乖慮始人無勸分欲免流

庸不可得也夫萌

詔令作氓

者冥也豈能自謀政者正也當

矯其弊所有長吏可不勉歟相其物土之宜務以耕桑

之本時無妨奪吏不侵漁既富而教奚畏不理至若征

鎮役重孤弱命窮特湏哀矜以遂仁恕其餘常科所禁

自可舉而行之豈煩縷說但

集作方

振綱領乃者庚子制

書已明理要徐思其意勿謂空言若風教未弘議能蓋
闕競入朝計冀幸遷除勿曰不知而集作將自誣也方牧

叅佐各宜思之朕所待賢能不惜官秩唯聲實是與唯
理行是憑古者刺史入為三公郎官出宰百里豈有限
也何在汲汲不安於理郡哉誠須勵精以俟後命並即

好去

開元三十一年
閏三月一日

處分朝集使勅

勅朕受命子人義兼君父思致可封之化

集作地

無忘終

食之間自有萬邦幾將二紀而刑政或舛風俗尚澆行
所望而未至顧本懷而自失雖朕之不德在予之過有
歸而卿等共理患己之誠豈到至如典郡

集作州

當侯伯

之尊宰邑敵子男之寵好進之輩且不務於政成欲速

集作達之心獨未思於義取朕所以數戒勅以見意增祿

秩以勸能何嘗有公方清白者不升理道循良者不用
聲績未著黎庶未康牧守來

集作未

朝而輒遷叅佐踰年

而競入此獨為人之資地耳豈是責成之意耶以故一

切還州將矯弊也

集作其弊

卿等至彼明諭朕意知不以中

外為隔惟以億兆為憂頃以天下浮逃先有處分所在
括附便入差科輒相容隱亦令糾告如聞長吏不甚存
心致令流庸更滋前弊未革自行此法即有姦生逃者
租庸類多乾沒長吏明察宜其然乎此色每年別須申
省比類多少以為殿最又獄訟所寄人命是懸近恐妨
農特原輕繫俾加閱實乃多幽枉都畿尚爾郡縣可知
各已貶官用懲主吏自今以後天下繫囚非應申覆知

證在遠而就中稍重者不得過十日次不得過五日其餘輕科量宜決遣不得因此復加楚毒且外臺者長吏主之至如禮義不興耕桑不勸孤寒

詔令作寡

不恤徭役不

均不肅吏人不清盜賊不懲侵暴不糾姦訛有一於此是誰之過其遊僧幻者誑誘愚人窮其根萌特須禁絕諸軍征鎮每遣憂矜如聞比來未免辛苦特宜撫恤使得安存今農扈戒期耕夫在野事非急切不得追呼卿等至州一一宣示當遣察問勿不用心竝

集作即

宜好去

開元二十一年四月一日

處分十道朝集使勅

勅十道及朝集使等信賞以勸能必罰以懲惡謂之二柄所以一人朕念彼黎元比遭水旱而賦役不等浮惰相仍且無緝寧漸用凋弊所以慎擇長吏兼命使臣寵數所加亦云不薄知詔令作智能自效豈為是圖政之殊尤

永用虛佇且郡縣所理黎庶是切善為政者防於未然詔令作萌均其有無省其差役事事有豫早為之所雖遭歲

惡固亦人安況在豐年不能招輯遂使戶多虛挾

詔令作掛

人均苦攤務欲削除更成詭故

詔令作固

已逃者未必得

集作

為削為姦者因此便除一啓其端豈勝其弊向若州有

明牧縣有良宰而精心緝理豈若是乎卿等至州將朕

此意優柔慰勉各令用心招撫流庸補綴居業使免助

逃之費是為救弊之先此不存心更知何理且刺史縣

令專任不輕自有非違將何率勵至於親識遊客憑恃

威權囑託下寮搖動獄訟或差遣不當致令損失或處

置

集作分

有乖便致煩擾兼有不肅諸吏唯只自謹一身

姦豪盜賊無所畏懼是虛荷榮寵徒資祿秩此而可容
孰為尸曠並委諸道條察具狀奏聞今其澤以時耕桑
為重不急之務先已勒停宜更申明勿妨春事諸處百
姓貧窶者多雖有墮畝或無牛力勸率相助令其有秋
所繫囚徒速宜集作今決斷無令寃滯致有妨奪鰥寡悍
獨征鎮之家倍湏存恤勿有科喚朕所懸爵秩唯待賢
能若政舉一州惠施一縣使者庶問必以狀聞既能副

於朕懷亦當待以不次誠可復也豈食言哉並宜

集作即

好去

開元二十一年

勅朝集使八道

勅朝集使等朕聞御寰瀛者不可以獨化養黎庶

詔今作獻

者必存於共理故專一方親百姓能致循良之術使無
愁苦之聲非牧伯之賢疇能於此所以精求臺閣歷選
縉紳常舉百寮之要以先六制之重虛想佳政用成庶
績自去冬入計者則循名責實詢事考言雖不無等差

終未有殊異得非歲時或淺風教未洽耶故一切不除
各再臨所典至於敬耆老恤笄弱止姦盜挫豪強人不
忍欺更不敢犯田疇墾闢獄圜空虛徭役必平浮

詔令
作通

逃自復門杜請謁庭無滯留若是者廼關乎職思可以
力致至於弭災青集休祥尚德義崇禮樂儒風大長道
化滂流耕夫克讓織婦知節草木不夭昆蟲咸遂扇彼
淳源登茲壽域若是者亦弘之在我仁遠乎哉豈惟祿
秩就加當以公卿入拜其或靡副朝獎不恭朕言陟既

有之黜故宜及勉旃逾往各勤我班瑞之分命

開元六年三月

日六

又

勅諭朝集使朕聞天生蒸民薄于四海天有成命孚于萬邦必內立公卿外建侯伯后非賢罔使賢非后罔事借耳以廣聽假目以遐覽則諭上旨通下情庶政諧而羣萌樂矣由是三考黜陟百官會疑昔之訓然耶朕以薄德祚膺寶位受乾坤之顧荷宗廟之靈凜乎若涉春

永如馭朽索責在司牧所賴分憂曷嘗不想望賢才馨
香至化七年于茲矣咨爾羣嶽實邦之良服勤政圖深
佇嘉績豈為吏罕久與人未信何由異絕寥寂厥聲恭
惟永圖當副虛矚孔子曰苟有用我者三月有成漢宣
曰庶人安於田里無愁恨之心者政平訟理也以為太
守數易則下不安誠哉是諭矣今之牧守古之諸侯寵
數特加情寄尤切故躬饗庭內則飲食宴樂幣帛筐篚
入至朕前則敷衽以陳命席而對所冀仁且不遠言之

必行以副朕憂勞之心託卿勤恤之助卿等宜慎厥始
成厥終往欽哉祇守而興操一州之統分六條之察念
茲在茲用光我班瑞之命有賞有罰朕無戲言並即好

去

開元七年三
月十一日

又

勅朕自君臨區域子育黎庶歲年是慎夙夜惟寅而誠
或不孚信詔令
作政猶未洽所在旱澇屢觀章表因饑饉而
為理竭憂勞以養人非夫二千石孰應斯委下戶給之

高戶貸之所須賑恤竝先處分至於常賦則著恒典檢
據成損蠲減有條又近日已來中外少事差科調發殆
至於無處馭通融當免於弊不知卿等從州來日百姓
間得安穩否以其閭閻未便勅令有闕且以陳聞副我
深寄時寒涉路並平安好且三兩日尋親識後取曹司

進止

開元七年
十月二日

又

勅朕聞諸禮曰刑禁暴爵舉賢則政均矣好惡著則賢

不肖別矣其道然也

詔令作耶

朕以虛薄祇膺景命荷宗社

之靈當億兆之責曷嘗不早朝晏坐畏天愛人思欲保
其和樂躋於仁壽則與我共理者其唯良二千石乎每
計吏還州與之陞見示其賞罰錫以筐篚亦云命而已
矣而朝集使豫州刺史裴綱分典刑獄為政煩苛頃歲
不登合議蠲復部人有訴便致科繩縣長為言仍遭留
繫御史推按遽以實聞虐政弊人一至於此朕夙夜競
惕匪遑寧居尋遣使存問其諸道有損處已量加賑恤

水旱不時實朕之過惠養失所分刺之由是用黜網於
嶺裔倣彼羣嶽朕於蒼生若保赤子為之均田邑制廬
井必欲其時和年登遠安邇肅託于牧宰代以躬親故
歷難其官誠經國致理之意也夫德惟善政政在養人
故土煩則草木不長水煩則魚鱉不大必也寬恕貴乎
清淨諸刺史都督宜問疾苦拯窮貧杜詔令改作侵漁察寬
獄至於賦役務從減省深刻為事人何以堪私惠苟行
法或將墜理須折衷用存楷式其百姓有便者隨事條

奏朕將親覽焉欽爾有官各勤為政如風化允穆課績殊尤當擢之不次旌乃厥美凡百庶邦敬聽朕命開元八年

二月十八日

又

勅朝集使古者班一作羣后比萬國黜幽陟明循政思

理罔之廢也朕以虛薄屬當期運受命穹昊司牧黎元

何嘗不中夜求衣分晝忘食欲其日月所燭霜露所墜

不獨親其親不獨子其子五穀豐殖萬物阜安為無為

事無事與能共化于茲八年矣而淳源未還至道猶鬱
豈朕之不德耶將吏之不賢耶徭賦或繁耶網維或紊
耶故延入陛階躬問得失悉如卿所對則朕無憂矣書
曰知之非艱行之惟艱語曰仁遠乎哉我欲仁斯仁至
矣卿等宜祇典厥職克正其身修于國章允茲朝寄因
乎風俗示之訓誘必也道德齊禮以公減私田里息愁
怨之聲邦家聞寬厚之化乃及優賞如或依勢作威倚
法以削流亡未至教令不行加乃常罰自餘宜依別勅

處分勤恤人隱以副朕懷竝即好去

開元八年三月十一日

又

勅朝集使等朕承天丕命子育萬方樹之師長俾數景
化將以固茲邦本致諸昇平而大道緬然淳風未暢租
賦頗減戶口猶虛水旱相仍耕桑莫贍蓋朕之不德而
吏之無方永言於茲良增歎息往歲河南失稔時屬薦
饑州將貪名不為檢覆致令貧弱諱流外境責其政理
有從貶黜因茲以來率多妄破或式外奏免或損中加

數至如密州去秋奏漕管戶二萬八千八百不損者兩
戶而已無田商賈之流雷同入數自餘諸州不損戶即
丁少得損戶則丁多天災流行豈應徧併皆是不度國
用取媚下人曩之刻薄也如彼今之踰濫也如此不副
朕意一至於斯踈怠之愆雖已會赦戶曠之跡豈不多
慙當令所司比類澄汰卿等與朕共理實惟分憂各勉
思政途以匡不逮其百姓間事理詔令
作物去冬赦書已處
分訖若人有疾苦卿有姦豪不勤農蠶不崇學校並宜

敦勸以正風俗逃亡人戶必藉招携差科之間務令停
減如臺省處事有不穩便於時者具利害聞奏勿復依
隨以損百姓卿等至州之日宜一留念詔令
作意用綏我庶

人竝即好去

開元十年正月十一日

又

勅朝集使等朕君臨寓內子育黎元何嘗不簡易愛人
勤恤庶政天下至廣不能獨任故樹之方牧咨其共理
而淳化未敷至道猶鬱庸賦未減戶口且虛水旱相仍

倉儲莫贍無聞慈惠之政未息凋弊之流豈朕之不明而吏之無術言念於此用惻于懷卿等是行勉思厥政百姓聞有鰥寡惻獨不能存濟者務令優養游業浮惰不勤稼穡者特令懲肅敦以學校勸以農桑差科之間務使平允逃亡之戶兼藉招携令其下人使得蘇息諸州遭滂之處多是政理無方或堤堰不修或溝渠未洩頻已處分竟無成稟常破詔令作被租庸是何檢校至州之日各宜勸勉應合修塞開導宜預施功若不暫勞何以

獲利已令御史分知訖宜勵所職勿犯常科今考課績
深者已有除改資歷淺者更佇良能應還州人已令所
司各與賜物待駕發後三五日別親識並即好去

開元十年

二月二十七日

又

勅朝集使等弘風善俗寄於良吏求瘼卹隱職在親人
朕並建藩牧擇其師長欽若古訓俾人用康而教化或
未洽黎甿或未定

詔令作寧

攘竊者時有犯禁逋亡者罕聞

復業宜朕敦諭之道尚闕而牧宰之訓未明歟永念於此不忘旰昃卿等咸承朝寄分掌外臺共理之道期於康濟至若率身以正馭衆以仁而下不化者未之有也

卿等還州宜禁侵漁絕浮惰惇獨鰥寡時

詔令作尤

資惠育

盜賊祆訛特宜禁斷其征鎮人家每須優當科歛之事必在均平頃者水災薦及河朔朕思無不至憂彼元元發倉廩漕江河以賑之蠲租稅停征役以安之今屬春陽布和農事方起慮有乏絕致妨耕桑雖已令詔令使作遣

宣撫或恐事未周贍如有未及

詔令作支

濟者即便量事賑

給諸道有損之處亦宜准此朕不欲一物失所一夫不

獲納羣生於仁壽躋大化於升平卿等各宜恭守朝章

宣布朕意雖萬方有罪敢

詔令作莫

忘在予而三載考績須

徵行事安人稱職可不勉歟並宜好去

開元十六年十一月十七日

文苑英華卷四百六十